



Broj: 01/23-02-1037/22-1
Datum: 28.06.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| Primljeno: 28-06-2022 | | | |
|-----------------------|------|---------|------------|
| Org. jed. | Broj | Priloga | Vrijednost |
| | | | |

**ZASTUPNIČKOM DOMU
PARLAMENTA FEDERACIJE BiH**

Odbor za zdravstvo Zastupničkog doma Parlamenta Federacije Bosne i Hercegovine je na 16. sjednici Odbora, održanoj dana 28.06.2022. godine razmatrao sljedeći:

DNEVNI RED

1. Prijedlog Zakona o izmjeni i dopunama Zakona o zdravstvenom osiguranju- skraćeni postupak,
2. Inicijativa za iznalaženje sredstava u Proračunu FBiH za 2022. godinu za pomoć osobama oboljelim od cistične fibroze (CF), koju su uputili Mirsad Zaimović i Mladen Bošković, zastupnici u Zastupničkom domu PFBiH

Temeljem članka 44. stavak 2. Poslovnika Zastupničkog doma Parlamenta Federacije BiH, Odbor podnosi sljedeće:

IZVJEŠĆE

Ad-1

Prijedlog Zakona o izmjeni i dopunama Zakona o zdravstvenom osiguranju- skraćeni postupak,

Odbor je uz prisustvo gđe. Snježane Bodnaruk, tajnika Federalnog ministarstva zdravstva, i gđe. Marine Bara pomoćnice ministra Federalnog ministarstva zdravstva detaljno razmotrio Prijedlog Zakona o izmjeni i dopuni Zakona o zdravstvenom osiguranju- skraćeni postupak. Vezano za navedenu točku dnevnog reda, Odboru se obratio Benjamin Isić, student šeste godine Medicinskog fakulteta u Tuzli i predsjednik Lokalnog odbora u Tuzli Udruženja studenata medicine u BiH BoHeMSA i predstavnik Udruženja studenata u Sarajevu, zbog reguliranja zdravstvenog osiguranja redovnih studenata nakon navršenih 26 godina starosti, ukoliko to pravo ne mogu ostvariti po bilo kojem drugom osnovu.

Nakon detaljne rasprave u kojoj su članovi i članice Odbora iznijeli konkretna i korisna mišljenja o Prijedlogu Zakona o izmjeni i dopunama Zakona o zdravstvenom osiguranju- skraćeni postupak, Odbor je jednoglasno usvojio sljedeće:



ZAKLJUČKE

1. Odbor podržava Prijedlog Zakona o izmjeni i dopunama Zakona o zdravstvenom osiguranju- skraćeni postupak,
2. Odbor podržava Inicijativu neformalne intersektoralne Mreže „Zdravstveno osiguranje za sve“ i Udruženja studenata Univerziteta u Tuzli (Studentski parlament Univerziteta u Tuzli, Studentsko vijeće MEDICUS, Studentsko vijeće „Farmakon“, Udruženje studenata medicine u BiH BoHeMSA), kao i Univerziteta u Sarajevu kojim bi se uredilo pitanje prava na zdravstveno osiguranje redovnih studenata, ukoliko to pravo ne mogu ostvariti po bilo kojem drugom osnovu.

Ad-2

Inicijativa za iznalaženje sredstava u Proračunu FBiH za 2022. godinu za pomoć osobama oboljelim od cistične fibroze (CF), koju su uputili Mirsad Zaimović i Mladen Bošković, zastupnici u Zastupničkom domu PFBiH

Na Odbor je prosljeđena Inicijativa za iznalaženje sredstava u Proračunu FBiH za 2022. godinu za pomoć osobama oboljelim od cistične fibroze (CF), koju su uputili Mirsad Zaimović i Mladen Bošković, zastupnici u Zastupničkom domu PFBiH, broj: 05/1-02-198/22 od 10.06.2022. godine. Odbor je detaljno o navedenoj tački dnevnog reda upoznao gosp. Mirsad Zaimović, predsjedatelj Zastupničkog doma PFBiH, kao i gđa. Amela Kuskunović, članica Odbora za zdravstvo.

Odbor je zajedno sa predstavnicama Federalnog ministarstva zdravstva detaljno razmotrio navedenu Inicijativu, te jednoglasno usvojio sljedeće:

ZAKLJUČKE

1. Odbor podržava Inicijativu za iznalaženje sredstava u Proračunu FBiH za 2022. godinu za pomoć osobama oboljelim od cistične fibroze (CF), koju su uputili Mirsad Zaimović i Mladen Bošković, zastupnici u Zastupničkom domu PFBiH,
2. Odbor daje podršku ubrzanju i finaliziranju Programa sa aktivnostima koje definiraju uspostavu mehanizama unapređenja rane dijagnostike i pristupa medicinskom tretmanu, kao i poboljšanju mehanizama za opsežan pristup rijetkim bolestima, što podrazumjeva uspostavu registra i definiranje izvora financiranja.

Za izvjestitelja u Zastupničkom domu Parlamenta FBiH određen je Prof. dr. Mirsad Kacila, predsjednik Odbora.


PREDSJEDNIK ODBORA

Prof. dr. Mirsad Kacila